



**Quæstionum Canonicarum, In Quinque Libros  
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniiis, eorumque impedimentis, ac dispensationibus,

...

**Schlüter, Georg**

**Augustæ Vindelicorum, 1702**

§. 15. An ad dissolutionem Sponsalium de futuro necessaria sit Judicialis Authoritas?

---

[urn:nbn:de:hbz:466:1-73058](#)

sed longè rectius negatur. Quia, nullum ex impedimentis merè impedientibus matrimonium contrahendum, quæ hodie in usu sunt, hanc vim illo jure haberet. 1. Non Ecclesiæ vetitum. Nam hoc non prohibet simpliciter nuptias; sed tantum, pendente causa, propter quam Judex Ecclesiasticus, vel etiam quandoque Parochus, ad tempus aliquod, Sponsis interdicit nuptias. 2. non tempus feriatum; nam hoc prohibentur nuptiæ solum cum solemnitate, ut dicimus tit. 16. Nec 3. Sponsalia de futuro subsequentia, cum hec ex dictis invalida sint: unde solum difficultas esse potest de voto. Per hoc autem, si subsequatur ad Sponsalia prius legitimè contracta, non solvi Sponsalia ex parte voventis, sive sit Religionis ingrediendæ, sive suscipiens sacram ordinem, sive simplicis castitatis in seculo, constat ex dictis: tum quia est in præjudicium Sponsæ; quod DEO placere non potest; tum quia non imbibit etiam tacitè conditionem aliam, nisi eligatur status Religiosi instituti.

§. 15.

An ad dissolutionem Sponsalium de futuro necessaria sit Judicialis Authoritas?

323. Questio procedit in casu, quo adebet, vel occurrit aliqua causa ex prædictis, ob quas licet solvi posse Sponsalia dictum est; suppon. autem, fieri posse, quod adesse talem causam, vel sit certum, vel dubium jure, & facto; item, quod sit publicum vel occultum. Publicum hic videatur accipi prout opponitur occulto, quod, licet sciat ab uno, vel altero, ac etiam probari possit; tamen à majori parte vicinie, vel communitalis, quæ constet, saltem 10. personis, ignoratur. Certum de jure dicitur, cum talis causa est in jure expresa; certum de facto, quando certum est, eam causam, quæ allegatur, adesse; ita Sanchez, l. i. hic D. 69. n. 4. qui bus positis:
324. Resp. in casu, quo abeat morale, seu prudens periculum scandali, non requiri Judicis Authoritatem ex natura rei, ad recessum à Sponsalibus; quoties habetur certitudo cause sufficientis, ad Sponsalia de futuro dissolvenda. Cum enim Sponsalia de futuro imbibant tacitè conditio-

nem (si res in eodem statu permaneant) ubi contrarium contingit, eo ipso ex natura rei (deficiente nimis conditione) non minus, ac alii contractus, conditiones non subsistent, dissolvuntur; ergo cum adebet certitudo mutati status rei, nec adebet prudens periculum scandali; non requiritur, quod interveniat factum hominis, vel Judicis, ad licitum in tali casu recessum. Et ideo Sponsalia de futuro publicè inita, vel etiam aliunde publica, licet solvi possint propriæ Sponorum authoritate, si causa dissolvendi sit certa de jure, & facto, atque publica. Nam si est publica, non est prudens periculum scandali, cuius vitandi causa, potissimum alias desideratur factum Judicis; & si est certa tam de jure, quam de facto, per ejusmodi certitudinem conditionis non subsistentis, tollitur ei, qui tali causâ affectus est, jus possessionis quæsumum ex Sponsalibus, quod erat tacite conditionatum. Idem procedit in casu Sponsalium occulte initorum, si causa, ut prius, certa sit, licet occulta. Nam & si abeat injuria ejus, à quo receditur; & scandalum; cum prius vinculum ponatur occultum.

Hinc per oppositum sequitur necessariam esse Judicis autoritatem. 1. si Sponsalia sint publica, sed causa solvendi, occulta, licet jure, ac facto certa, ne contingat alias scandalum; quod tamen videtur limitandum, ut non procedat, si causa taliter certa non tantum sit occulta sic, ut à majori parte vicinie ignoretur; sed etiam, ut in judicio probari non possit. Nam in tali casu utilis foret recursus ad Judicem, qui carentem probatione rejiceret, & causæ sibi competentis certus, rem sibi debitam recuperare non posset damno suo, ad quod non tenetur causâ vitandi scandali. Similiter dicendum, necessariam esse Judicis autoritatem non tantum in casu, quo causa dissolutionis est dubia de jure; sed etiam cum est dubia de facto; ne scilicet alter jure sibi legitimè quæsito in re gravi (qualis est regulariter Sponsalia) cum injuria privetur. Nam quoties est probabile, seu prudens periculum injustitiae in alterum committendæ, jus certum alteri licet tolli non potest, nisi in oppositum sit fundamentum prævalens contra certam ejus possessionem.

L 3

Dices

326. Dices tamen. 1. in c. *Duo pueri*, de spons. Impub. cuidam imponitur paenitentia, quod non requisito Ecclesie judicio. Sponsam dimiserit. 2. c. de *Illis*, elig. 1. eod. dicitur, quod impuberis, ubi pubertatem adepti contra priora Sponsalia reclamaverint, separandi sint judicio Ecclesie. 3. quia etiam propter causam notoriam v. g. propter affinitatem, non licet dimittere Uxorem, ut habetur c. *Porrò*. 3. de *Divortiis*. 4. Quia c. *Seculares*. 33. q. 2. puniuntur, qui separantur absque autoritate Ecclesie, ergo nunquam licet, etiam ex iusta causa, Sponsis autoritate propriâ recedere à Sponsalibus. Aliqui hanc illationem admittunt exceptis duobus casibus; nimirum cum alter Sponsorum de futuro ingreditur, Religionem; vel, cum alio contrahit per verba de presenti. Nam hi causas ipso jure notissimi sunt. Alii excipiunt etiam fornicationem notoriam, vel detectionem impedimenti, ex consanguinitate, vel affinitate, aut denique suspicionem orditis sacri, de quibus V. Sanchez cit. n. 2. his præmissis.

327. Resp. per ea iura nihil probari contra *Sponsalia de futuro*. Nam c. *Duo Pueri*, loquitur de casu, quo Vir sine judicio Ecclesie dimisit Sponsam de presenti, ut claret patet ibid. ex §. Cum vero. Unde non videtur subsistere, quod dicit Barbosa in cit. c. *Duo Pueri*, ideo ibi paenitentiam statui, sine judicio Ecclesie recenti, quia agebatur de resiliente absque causa manifesta, & clara; tum quoad veritatem, tum quoad justitiam. Nam causa resilendi fuit, quod mulieris (quam per verba de presenti duxerat post Sponsalia cum Guilielmo) fuerit hujus consobrina, & ob impedimentum publicæ honestatis, ortum ex primis Sponsalibus, in Uxorem habere non poterat, quod ibi manifestum, & clarum erat.

328. Ad c. de *Illis*, Resp. ibi nihil aliud dici, quam quod Index Ecclesiasticus debet Sponsalia dissolvere declarative, si impubes, factus pubes, contra illa apud ipsum reclameret; non autem, quod factus pubes aliter ea solvere non possit, nisi reclamando apud Judicem Ecclesiasticum. Sic Barbosa cit. in c. de *Illis*. n. 4. & apud illum complures. Ad c. *Porrò*, 3. de *divortiis*, constabit ex dicendis infra. Interim Resp. nihil ex illo ad casum nostrum con-

cludi. Nam ibi agitur de solvendo matrimonio, quoad vinculum; quæ causa, cum contineat questionem vinculi Sacramentalis, in casu parentelæ notoriæ, declarative saltem, dissolvendi; ex multis capitibus indiget judicio Ecclesie, hoc est, ut nota Sanchez hic in cit. c. n. 2. sententiâ Episcopi, vel Ordinarii cum suis: tantum porro Ecclesie discussionem in causa Sponsalium de futuro nullibi jus requirit; maximè, cum nec ad solutionem matrimonii, quoad thorum, in casu adulterii indeclinabiliter inexcusabilis, eam requirant Canones in c. significati. 4. eod. Ad c. *seculares*. Resp. ibi solûm excommunicari seculares, qui ante judicium Ecclesie conjugale consortium dimittunt, & Uxores suas abiciunt, nullas causas dissidiū probabiliter proponentes; hoc autem contra dicta non militat. 1. quia non agimus de solutione matrimonii, præsertim quoad vinculum, de quo tamen agit cit. c. Deinde, quia nos requirimus judicium Ecclesie, ubi causa discedendi ambigua est, seu non probabilis; Ergo.

Si queras, quæ probatio requiratur pro dissolutione Sponsalium? Resp. cum nulli Sponsorum de futuro altero invito licet a Sponsalibus recedere autoritate propriâ, nisi causa recedendi certa sit, tam de jure, quam de facto, necessariam omnino esse illius probationem; consequenter dubitari posse, quæ & quanta esse debet ea certitudo, ut licet ille recessus auctoritate propriâ? 2. quæ probatio sufficiat, ut Judge Ecclesiasticus recessum a Sponsalibus uni Sponsorum eum petenti rectè concedat? Ad 1. respondet P. Sanchez cit. D. 69. n. 9. non requiri, ut undequaque certa sit sufficientia causæ sic, ut nulla sit opinio contraria (vix enim causas contingere) sed requiri certitudinem moralē, id est, ut causa juxta probabilem opinionem sit sufficiens; quia in moralibus, ad operandum, hec dicitur certitudo; cum satis sit, ut quis tuò opereatur, opinionem probabilem amplecti. Hæc P. Sanchez loc. cit.

Ad 2. Resp. 1. si ambo Sponsi dicunt adesse causam dissolvendi Sponsalia de futuro, Judicem rectè dissoluturum, etiam si causa vera non sit; quia sic videntur ex mutuo consensu sibi obligationem remittere; Sanchez l. 7. D. 72. n. 1. si autem unus eorum

eorum (qui oportet fieri matrimonium) dicat, adesse causam dissolvendi, & altera consentiat, idem dicendum est; quia sic concurrevit utriusque consensus; non autem si renuens matrimonium, diceret, adesse causam dissolvendi; sic enim in sui favorem restaretur; quod utique insufficiens est ad ferendam sententiam in præjudicium negantis, volentis servari dictam fidem: sed quid, si unus testis juratus deponat, adesse causam dissolvendi Sponsalia? Resp. satis fore ad impedimentum matrimonium, esto talis testis sit criminosis, suam turpitudinem fateatur, nec forte citatus, sed à parte productus, vel ex generali mandato Parochi revealare impedimentum coactus, licet clam, & absque sui nominis publicatione coram partibus, testimonium ferat, saltem in casu, quo Sponsalia non sunt jurata, ut colligitur ex c. super eo. 22. de Tsp. & attestat, ubi recipitur testimonium Matris pro filia de consanguinitate dependentis, in ordine ad matrimonium impediendum, licet alias suspectum sit, ubi agitur de contrahendo in favorem filiæ. &c. Præterea, 12. de sponsal. ubi dictum, unius, etiam afferentis impedimentum, impedit matrimonium contrahendum, nisi juramentum intervenisset; & ita tenet Sanchez. l. i. D. 71. n. 2. Quia, cum hic agatur de impediendo peccato, quod Sponsi contrahendo committerent, minori probatione opus est; quam si ageretur de jam contracto dissolvendo, ubi etiam tangitur jus alteri questum.

Dixi, 1. testis juratus; quia quando agitur de præjudicio tertii, ut in præsenti, nemini nisi jurato creditur. Ex c. Tua, de cohabit. Clericor. Sanchez. cit. n. 10. Dixi. 2. si deponat, adesse causam, quod non contingit, si deponat, se audivisse, quod adies; sic enim non est testis juratus, quod res sit; excipe, nisi deponat circa impedimentum affinitatis, vel consanguinitatis cum juramento, quod saltem à duobus suis majoribus audiverit, eos esse coniunctos in tali gradu, eumque apertere distinguendo. Nam aperta gradus computatio æquivaler depositioni certæ de impedimento; ita Castropalaus de sponsal. D. 1. p. 31. n. 4. Et in hoc casu proximo requiritur, quod testis deponens sit persona honesta, non vilis. Nam-

talism nec ad denuntiandum admittitur, nisi factum sit adeò clandestinum, ut ait, non possit probari. argum. gl. in c. dicitur. de Elec. &c. præterea de Testib. Dixi. 3. esto talis testis sit criminosis, & suam turpitudinem alleget, ut constat ex cit. c. Præterea, de spons. ibi: ejus consanguineus cum ea delinquisse proponit. Dixi. 4. esto non sit citatus, sed per partem produetus. Nam propter hoc non presumitur, se ingerere, arg. c. constitutus, de Testibus, consequenter nec tanquam suspectus repellendus, qualiter sit, si se ipsum ingerat. arg. L. Uxor. §. 1. ff. de Fal.

Dixi. 5. licet nolit, parte citata, publice deponere, vel nomen suum publicare, prout alias requiritur, constat ex cit. c. Præterea de spons. ibi: sed hoc publicè confiteri recusat. Dixi. 6. si deponat. Nam si solùm denuntiet, ultra hoc etiam fama requiritur, ut dicitur in c. Cùm in Tua. 27. de spons. ibi: si persona gravis, cui fides sit adhibenda, tibi denuntiet, quod hi, qui sunt matrimonio copulandi, se propinquitate coningant; & de famâ, vel scandalo doceat &c. Dixi. 7. saltem in casu, quo Sponsalia sunt jurata. Nam in tali casu aliqui consent unicum testem, etiam juratum, non sufficiere; & videtur haberi clarè in c. Præterea, 12. de spons. ibi: nisi juramentum intervenisset; si enim non impleantur jurata Sponsalia, habetur certitudo de perjurio, & solùm incertitudo de impedimento; sic Gl. in c. super eo, de Confang. V. Fama & alii. Cui accedit, quod etiam in c. Cùm in Tua, de spons. ultra unum testem, fama requiratur.

Verum, si testis sit integer, & omni exceptione major, contrarium probabilius est; ita Sanchez. cit. n. 8. & alii. Nam probatio famæ de impedimento sufficiens est, ad dissolvida Sponsalia, etiam jurata, ut deciditur in c. super eo 2. de confang. & affin. ubi Urbanus III. Burdigalensi Archiepiscopo scribens, super eo, inquit, quod Juvenem afferis puellam nondum nubilem, fide interpositâ de sponsasse, quæ jam facta nubilis eum repetit: & ille excipit, dicens, se non debere eam dicere, pro eo quod, postquam puellam dissidavit eandem, carnaliter propinquam ipsius cognovit: inquisitioni tuae respondemus: quod, si manifestum est, juvenem cognovisse propinquam

quam predicta pueræ; vel, si non est manifestum, fama tamen loci hoc habet, cum esse Sponsa tantummodo de futuro, idem ab ejus imputatione debet absolvii; sed unus testis integer & que, imò fortius probat, ex communis sensu, teste Mascardo de probat. concl. 753. &c. super eo loquitur simpli citer, sufficere unius testimonium ad dissol venda Sponsalia, quin decisionem restringat ad jurata: ergo. Ut autem testis dicitur integer, seu omni exceptione major, requiritur, quod deponat, nomine suo publicato; nec alleget propriam turpitudinem: his positis:

334. Ad ea, qua sunt in contrarium. Resp. in cit. c. Præterea, non rejici testimonium unius ad jurata Sponsalia dissolvenda, nisi in casu, quo testis non est integer; qualis ibi fuit. Nam ille deponebat de suo de lito cum Sponsa sui consanguinei; & publicè fateri, recusabat. Testis autem in c. Cum in Tua, non deponebat, sed tan tum denuntiabat, quo casu nos ipsi ulte rius famam requirimus, ut dictum est; & dicimus in seq. Resp. demum. 3. famam, qua defumitur a fide dignis, esse sufficientem probationem dissolvendi Sponsalia, ut dicitur in cit. c. super eo, de consanguinit. intellige, si fama sit allegata, & probata; quare non sufficit, si notoriū sit, esse famam de impedimento; quia Judex aliter judicare non potest, ut docet Castropalus cit. n. 7. alias enim Judex ferret sententiam ex privata notitia, & non publica; sic Gutierrez. de Matr. c. 36. n. 14.

335. Præter hæc not. 1. ut Judex de plano; & absque judiciario ordine inquirat super impedimento, de quo fama est; illi pro tali casu sufficere privatam famæ notitiam ex c. Cum in tua. 27. b. t. ibi: aut etiam per te ipsum possis certificari de plano. Per famam autem intelligitur autumnatio, seu opinio majoris partis viciniæ, in qua ad minus habitant decem; opinio autem majoris partis viciniæ, dicitur rumor; ita Sanchez l. t. D. 71. in fine n. 18. cuius ulterior ratio est; quia hic agitur de cavendo peccato, & periculo matrimonii nulliter contrahendi; & forte, detecta deinceps nullitate, vel ægræ sustinendi; vel non nisi cum magnis difficultatibus separandi.

Not. 2. probabilis esse, in dicto casu 336. testes, qui deponunt de impedimento, debere esse juratos, esto id neget Sanchez D. 71. n. 5. quia testi nonjurato, in præjudicium tertii, non creditur, ut dictum est; & famam, de qua dictum est supr. non esse infirmatam aliis probationibus contrariae per c. Cum in Tua 27. de spons. junct. gl. V. famam; sic Mascard. de probat. concl. 1035. n. 14. Infirmatur autem illa fama, consanguineorum juramento, ut ibid. dicitur; imò etiam juramento contrahendum, quamvis tunc arbitrio Judicis relinquatur, quantum huic juramento defendendum sit, teste Mascardo cit. n. 16. Et hoc, quod diximus de fama impeditimenti, sufficiente ad impediendum matrimonium (consequenter ad dissol venda Sponsalia) extendunt Antoninus, & Præpositus apud Castropalum n. 7. etiam ad rumor; sed probabilis negatur, cum ea vis in c. super eo, tribuatur solum fama.

Not. denique 4. has probationes, 337. ortas à teste jurato, fama, vel confessio ne Sponsorum, requiri solùm, quando Sponsalia dissolvenda sunt à Judice præterea, quod probetur adesse impedimentum, impediens matrimonium contrahendum; non autem, quando sermo est de causa, quæ præbet uni Sponsorum jus resiliendi à Sponsalibus. Ad hoc enim in foro conscientie sufficit unus testis; in foro autem externo requiruntur duo, quia agitur de præjudicio tertii, non autem de peccato vitando. Reliquæ autem quæsitiones, quæ concernunt Sponsalia de futuro, cuiusmodi sunt, quid in eis operetur vis, & metus; quid conditiones ap posita? &c. resolventur in seqq.

## PARS II.

### De Matrimonii.

Matrimonium considerari potest, vel in 338. quantum est præcisè contractus; vel etiam, in quantum est Sacramentum. Aliqui censem, matrimonium acceptum pro contra ctu, sumi causaliter (relatè nimurum ad vinculum, seu Conjugum obligationem mutuam, in qua constituant matrimonium acceptum formaliter) sic Pereyra in Eludicar. l. 3. Elucidat. 6. f. 1. n. 1670. in fine: sed